

Mare.

Commoditas.

Mercimonia.

Mores.

Regio.

Situs.

Soli fertilitas.

Animalium va-
rietates.Imperium ma-
iorum.

Urbes.

Staffanger civitas etsi eundem cum Berga Præfectum habeat, suum tamen peculiarem habet Episcopum ibidem agentem. Quarta Arx est *Nidrosia* a Nidero fluvio & Rosa, quod templi nomen est sic dicta, vulgo *Trundheim*, olim *Trondon*, Metropolis totius Norrvegiæ, nunc in vici formam redacta. Sedes olim Archiepiscopi & Regni, amplissime patentem Diocæsim habet, in qua plurimus piscis Bergam postea ad Emporium divectus, & pelles præciosæ colliguntur. Extat hodieque Templum Cathedrale, argumentum pristinæ fertilitatis, cui magnitudine & casorum lapidum artificio vix aliud in Orbe Christiano simile est. Crepido circum altare correpta incendio est, anno M D x x x: cujus incendii damnum æstimatum est septem millibus aureorum. Quinta & ultima versus Arctum Norrvegiæ & Orbis Christiani Arx est *Vwardhusia* parvæ insulæ *Vwardæ*, ipsa quoque parva & obsoleta hoc tempore insistens. Quæ nulla singulari munitione ac nec turri quidem vel castello insignis, Opidulum tamen adjunctum habet, quod piscatorum casæ stipant. In hac arce seu potius castris, Præfectus Regius ætate habitat & amplissimum illius littoris Norici tractum in Zona frigida usque ad Russiæ fines gubernat. Porro Occidentale Norrvegiæ littus (quod imperscrutabilis profunditatis passim perhibetur) verno tempore Balænis admodum infestum est: adversus harum imperum habent nautæ Castoreum aqua dilutum, præsens remedium; nam simulatque illud in mare effusum est, confestim immane illud Nerei pecus dissipatum sese in profundum abdit. Copiosa hic in mari vicino captura Piscium, & inprimis Afelli piscis quem frigore induratum & in fustes extensum mittunt in reliquæ Europæ Regna: eum piscem *Stock-visch* vocant, Laudatissima istorum captura est mense Ianuario: tunc enim ob frigora facilius exsiccantur, & mare ipsum copiosiores opimioresque illos præbet. Petuntur inde præterea pelles pretiosæ, levum, butyrum, coria, adeps balenarum, pix liquida, trabes quernæ, robora, mali, asseres magno vendentium quæstu. Incolæ probi sunt, simplices, exterorum amantes, hospirales; prædones, fures, piratas non habent.

Suecia Regnum vetus est, meminit ejus Plinius: habet ad Occasum Norrvegiam: ad Boream Lappiam & Bothniam: ad Ortum Finlandiam, Bothnico sinu discretam, & Livoniam mari disjungtam, ad Austrum, Gothiam. Regio est omnium Aquilonarium fertilissima: agrum habet uberem, Maria, Lacus, Flumina, Piscium variorum proventu fœcunda: Metalla etiam Plumbi, Ferri, Aeris & Argenti, quod circa Slaburgum eruitur purum. Silvas feris refertas, & mellificio nobiles. Creditur duplo superare Norrvegiam amplitudine, fertilitate, agrique bonitate. Quibusdam tamen locis aspera est, & salebrosa. Hæc per indigenas & domesticos Reges fortiter & feliciter defensa & amplificata cum aliquot sæculis esset, tandem ad Daniæ Reges devenit: sub quibus, annis amplius centum, jam aliquantisper obtemperans, jam eosdem prætextu non servatarum Legum in coronatione juratarum excutiens, mirum in modum fluctuavit. Hodie autem ad suos indigenas iterum descivit, & ex illis sibi Regem constituit. Provinciæ hujus Regni variæ. Aliæ *Gothicæ*, ut *Ostgothia*, cujus *Lincopia* Metropolis: *Westgothia* lacu Vetere ab Orientali sejuncta, cuius *Scara* Episcopi sedes. *Australis Gothia* seu *Smalandia*, *Tuiscia*, *Verendia*, cuius *Vexio* præcipuum Opidum est. *Meringia* & Insula *Oelandia*, arce *Borgholm* munita: aliæ *Norica* seu *Suecia* sunt ut *Oplandia*, cuius *Upsalia* ad *Salam* sita, in centro Sueciæ sedes